

www.BibleForChildren.org




Yoni 14



Tu Yesu ime ana tomuliya gigahema gigayo, “Keke wana'ase'u'aulolo. Yaubada wanavetumaganena kadu Iya wanavetumaganeku. Abamiya moya'aina Kamaku yana manuweya gidadauda ada Iya ganana be yami abaga ganakidewedewena fa'ina.”



“Ka'i keke abamiya moya'aina gidadauda,
kadu keke vaita gadagahe ganana yami abamiya
gana'ihagihagiyena. Ada Iya ganana yami
abaga ganakidewedeweni-yo au ganayewaku
ganavega'aulemi be Iya ganamiyami againe, kadu omi
wana'ela buye
kanamiyami.”



Tu iya'eku kadu omi'iyao Yesu yana kaliva fa'ina,
iya Yoni omi tawami, ada omi amine meda
iya'eku vita lakahina Yesu fa'ine

kanunuhagana kadu yana
abavehimeya againe



kamimiyami kadu
yana veluga againe
ka'atu'atuefa'ila.




Iya Yaubada bonana galumamalena kadu Yesu
fa'ine ga'awatalatalaina fa'ina hikive'aviku-yo
yadi aba'aiyogona himula ana egana

Fatimo againe
hinauweku.



Gigahe-yo auhe'ama Yaubada Alu'aluwana giluvaiyeku
ada mene lobameya didiga'u'u matakuya gidadauda
ada Kaliva Sa'eyana didiga'u'uya givetogana.



Kadu'e gaitoma moya'aidi i'ibubunidi lobameya babiya
to'alika yadi abageya lehageya, e fafali moya'aina
agaidiya himimiyami-ma yadi kweli
ganogalina.




Higayo, Bana'e didiga'u'uya givetogana kadu Sifi
kabi'ona adi egana kanakilakahina kadu
kanave'amohimohinedi. Yadi
kikaiwabu kadu yadi faiwala
kanakivetubugina tova inaga
inaga keke ana abalauyabu.



Kadu Bana Yaubada yana melala mahamahalina ana egana Yelusalema ivaguna Yaubada againe gitauya be lobama amine gihobuhobu'ela-ma ga'itana. Ana ita haghagi-mo'ena vaita kwamayoku yana nagi fa'ina gidavevigauni be gidana yana kaliva againe.




Ada ago'ago sa'eyana Yaubada yana didiga'u'uya
giyemu-ma ganogalina gikova'awafatafata gigayo,
“Wa'ita, adamoya Yaubada kaliva agaidiya give'abaga
ada Bana badi buye hinamiyami. Badi yana yo'ogaga
amine hinamiyami, ada Yaubada Tauna ginave'alunedi
be Bana badi
yadi Yaubada
ginamiyami.”




Tu lobama ana tovenuwa'ata yawai-vagata ana gufa
givehawaleku, gufa fo'ana kwayakwayana ada
Yaubada kadu yana Sifi kabi'ona yadi didiga'u'uya
giyemu be melala ana eda lakahina hinafane
ginanauna.



Gufa fafaline fafaline yawai-vagata ana ai himidimidi,
ada ai-dina malamala sa'eyana sa'eyana ana vaikohi
hinagene hiyoyoyo be giboyaboyala ada malamala ana
vaikohi tuwelo agaidiya hi'i'aikolu. Ada gaveyao
guwanai-nadi againe hi'au'a-ma yawai-vagahidi
hinunuhagana. Tu ai lukumidi agaidiya ma yo'o tulina
tulina yadi yamumu hinunuhagana.



Melalai-nadi ana mahalina keke kauwana o vaikohi
againa gidamahalini. Au Yaubada yana mahalina
ve'akinamanamalina melala gituvemahalina kadu yana
Sifi kabi'ona vaita melala ana lamufa amine.




Tu keke tamo gavadi bwanebwaneena melalai-nadi
againa ginaluku, keke-mo'a. Kadu keke tamo to'udo
o tove'alololo hinaluku,
keke-mo'a. Au badi adi
egana Sifi kabi'ona
yana buki againe
gi'etoladina be
yawai-vagahidi
giveledi-ma,
badi'iyaogaga hinaluku.




“Matailudi sa'eyana sa'eyana
ginaluhegehegedi. Aimo keke
tamo alika o ase'u'aulolo o
tagiya o aulolo, fa'ina mena
vitai-dina a gihavaidi kadu babi
tuwaina ana gaitoma moya'aina
a hiyawowola.” Au hidedemi
gigahe.




Boi Yaubada babi tuwaina gi'alatabutabuyena tu
adamoya hida yana melala againe keke tamo gavadi
againa alatabutabu gidadauda. Au melala hinagene
Yaubada kadu yana Sifi kabi'ona yadi didiga'u'uya
hivetogadi, ada yana
tofaisewa ana
hawadavadava
againa
hinafifaisewa.




Bana ana egana deba'aidiya ginadauda ada tova
moya'aina badi Bana magigina hina'ita'itana.




Kadu to'alika ga'itadi, lakahidiyao kadu kabi'odiyao didiga'u'u wamagigine himidimidi, ada au Yaubada yana vehimeya againe buki hikiyavalidi. Buki-dina agaidiya badi kaliva moya'aidi yadi dewa matatabuna valeyana hi'etoladina be medema againe Yaubada adi laufata ginafolakena.




Kadu buki velugana hikiyavalina, buki-nadi againe badi yawai-vagahidi Yaubada giveledi-ma adi egana hidadauda. Tu yawai-vagata ana buki againe kaliva adi egana hilele-hagihagiyena, ada gava kaliva ana egana Yaubada keke gida'etoladini, medema muna lakahina giyabeyabela-vagata ma againe hihegehobuyena.



Tu Yaubada Alu'aluwana kadu yana Sifi kabi'ona
vavinena higahegahe higayo, “Wa'ela.” Kadu hai
kaliva hinavenogala, medema gilubodadi be
meda hinagahe hinagayo, “Wa'ela.”



Hai kaliva nuwanuwana lakahina
yawai-vagahina ginanuhagana vaita agona
gidataina amine, medema gida'ela yawai-vagata
ana gufa gidavai-kawowona.



Au higa Yaubada nuwanuwana
lakahi-mo'ena tomiyababi, fa'ina Natuna
anakaibe'u-mo'a gihawahegena be gava
kaliva Bana againe ginavetumagana,
medema keke gina'alika-vagata
tu yawai-vagahina
ginanuhagana.



Loma 3:23 Au eda tulina inubana ma Yesu Keliso ana vetumagana againe. E, gaveyao moya'aidi Keliso againe hivetumagana, medema tokoyona nonogana Yaubada badi fa'idiya gigahе gigayo, “Badi kaliva yegayegadiyao Iya matakuya.” Yada koyona fa'ina ime miYuda kadu omi yo'o tulimiyao kalivai-mina ada ita leleleya Yaubada matane, fa'ina ide kaliva moya'aida koyona kafaisewani-yo Yaubada ana ita mahamahali-mo'ena againe ada ita itababubabuna.

Loma 6:23 Fa'ina dewa koyona fatana alika. Atu Yaubada yana abahawahega ma yawai-vagata, higa omi Yesu Keliso buye wave'atutamo'aimi-yo yawai-vagahimi givelemi.

Hibeliu 9:27 Tuwai-lokalokana Yaubada vehimeya gisena gigayo, “Tova sa'eyanaga kaliva moya'aidi hina'alika. Hina'alika-yo Iya ganavedewayaugidi.”



Efeso 2:8,9 Wanogali! Yaubada Tauna ginuwadogemi be omi wavetumaganeni-yo ami kibababala wanuhagana. Tu keke taumiyao nuwamiya vetumagana gidayemu, au Yaubada yami vetumagana givelemi-yo wavetumaganena. Kadu'e keke taumiyao yami vediwe fa'ina ami kibababala wadanuhagani. Au Yaubada givetumaganavelemi-yo ami kibababala wanuhagana be keke tamo hakwadi afaiweya tauni a egana unakilakahini unagayo, "Yaku vediwe fa'ina kibababala ganuhagana." Keke amifaiweya hidede amine wanagahe.

Loma 10:9,10 Higa ka'i yo'o matadiya unahawavemogatala unagayo, Yesu yaku Kaiwabu, kadu ase'aseniya unavetumagana vaita Yaubada alikeya gisivemididina, au hidema fa'ina Yaubada ya koyona agaidiya ginakibababale.



Fa'ina ase'asedeya kavetumaganeni-yo Yaubada giseda yegayegadeyao Bana matane, ada yo'o matadiya Yesu kahawavekaiwabuyeni-yo Yaubada yada koyona agaidiya gikibababaleda.

Yoni 3:16,17 Au higa Yaubada nuwanuwana lakahi-mo'ena tomiyababi, fa'ina Natuna anakaibe'u-mo'a gihawahegena be gava kaliva Bana againe ginavetumagana, medema keke gina'alika-vagata tu yawai-vagahina ginanuhagana. Yaubada Natuna babiya gi'iveninisena keke vaita tomiyababi matahiwadi ginaveledi, keke-mo'a. Au gi'iveninisena be kaliva ginakibababaledi fa'ina.

1 Yoni 5:11-13 Ada hawavemogatalai-nadi hidede amine. Yaubada yawai-vagahida giveleda ada mena yawai-vagata Natuna againe give'inuba.



Gaveyao nuwahinagemiya Yaubada Natuna Tauna gimimiyami, medema yawai-vagahimi ahe wanuhagana, tu gaveyao nuwahinagemiya Yaubada Natuna Tauna keke gidamiyami, medema yawai-vagahimi keke wadanuhagani. Tu omi Yaubada Natuna ana eganeya wavetuvetumagana amanadi yami leta au hidede amine ga'etoladina be wanahalamanena yawai-vagahimi ahe wanuhagana.



Yoni 14; 2 Kolinita 5; Hawavemogatala 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Iduna Bible (viv) © 2003, Wycliffe Bible Translators, Inc. All
rights reserved.

<https://live.bible.is/bible/VIVWBT/MAT/1>

©2025 Bible for Children, Inc.

www.M1914.org

www.bibleforchildren.org

